

# RÉSUMÉ KHUTBAH JUMMAH

PAR LAJNA IMA'ILLAH ILE MAURICE

*Pour tous commentaires et suggestions, envoyez-nous un email à l'adresse  
ishaatlajnamu@gmail.com*

## SOMMAIRE

La conquête  
de Damas 02

Hadrat Abu  
Bakr, le calife  
bien guidé 03

Les oeuvres de  
Hadrat Abu  
Bakr (ra) 04

Un  
musulman  
exemplaire 05

La mosquée  
de Zion 06



**Huzoor (atba) dire ki li pou mentionne à propos la conquête de Damas ki ti dernier bataille ki finn ena lieu dans so l'époque.**

**Damas ti ene la ville bien protégé et ti ena bann mûrs bien haute et bannes tranchées tout autour et donc ti difficile pou rentrer. Hazrat Abu Bakr (ra) finn envoie plusieurs l'armées en Syrie et li finn envoie Hazrat Abu Ubaidah (ra) avec ene l'armée à Homs. Hazrat Khalid bin Walid (ra) ti gagne instruction pou vine à Damas et ensam avec bann lezot musulmans, li finn encerclé Damas. Bannes habitants de Damas ti pe grimpe lor bann mûrs hautes-là et zot ti pe lance bann rochers et bann flèches lor bann musulmans, ki ti pe défanne zot même ek bann boucliers en cuir. Sa finn durée pendant 20 jours et narien pas finn ariver.**

**Entre temps Heraclius finn amène so l'armée pou bann dimounn de Damas. Hazrat Abu Ubaidah (ra) finn suggéré pou forme ene bataillon pou alle combattre Heraclius. Donc finn envoie 500 cavaliers avec Hazrat Dhirar (ra) pou ki zot alle combattre Heraclius. Bann musulmans finn combattre avec tout zot la force. Pendant bataille, zot finn capture Hazrat Dhirar (ra) et bann musulmans finn essaye libère li à plusieurs reprises mais pas finn réussi.**

**Bann musulmans ti finn fini préparé pou faire ene longue siege à Damas et donc zot ti pe constamment rode meilleur fasson pou gagne la victoire lor Damas. Finalement, Hazrat Khalid (ra) finne trouve le moment parfait pou traverse tranchée-là et grimpe lor muraille. C'est dans sa fasson la ki l'armée musulmane finne reussi rentre dans Damas.**

**Bann musulmans finn gagne contrôle de l'entrée Est et donc, ban dimoune de Damas finn approche Hazrat Abu Ubaidah (ra), ki ti dans coté Ouest pou négocier ene traitée de paix. Hazrat Ubaidah (ra) finn accepter et bann musulmans ki ti en dehors forteresse-là finn kapav rentrer.**

Huzur (atba) dire ki le décès de Hazrat Abu Bakr (ra) ti pe approcher et donc li finn apelle Hazrat Abdur Rahman bin Auf (ra) et finn demande li so l'opinion à propos Hazrat Umar (ra). Hazrat Abdur Rahman bin Auf (ra) finn dire li ki Hazrat Umar (ra) possède encore plis qualité ki li ti penser mais li ena ene tempérament imper chaud. Hazrat Abu Bakr (ra) finn reponne ki li le cas seulement parski Hazrat Umar (ra) imper trop souple mais si li donne li responsabilité de leader, lerala certainement, li pou change quelques de so bann qualités.

Hazrat Abu Bakr (ra) finn ensuite appelle Hazrat Uthman (ra) et finn demande li à propos de Hazrat Umar (ra) et li finn reponne en disant ki so bann qualité interieur encore plis meilleur ki so ban qualité exterieur. Hazrat Abu Bakr (ra) finn dire tous les deux ki pas bizin dire personne ceki li finn demande zot.

Huzur (atba) dire ki pendant Hazrat Abu Bakr (ra) so dernier maladie, Hazrat Talha bin Ubaidillah (ra) finn alle visite li et finn demande li si li finn choisir Hazrat Umar (ra) pou succede li. Li finn aussi expliquer kifaire c'est ene mauvais decision et finn dire li ki li pou bizin reponne avec Allah pou sa decision-là. Hazrat Abu Bakr (ra) finn reponne ki quand Allah pou demande li à propos sa, li pou dire ki li finn choisir meilleur dimoune possible pou vinn le Khalifa.

Huzur (atba) dire ki Hazrat Abu Bakr (ra) pas finn prend sa decision la par li même. Li finn consulter plusieurs bann Compagnons et lerala finn alle d'après l'opinion de la majorité.

Hazrat Abu Bakr (ra) finn deceder Mercredi 22 Jamadi Al-Akhir 13 AH après ki li ti le Khalifa pendant 2 ans 3 mois et 10 jours. So ban dernier parole ti sa verset Quran-là:

تَوَفَّنِي مُسْلِمًا وَأَلْحِقْنِي بِالصَّالِحِينَ

'Faire moi mort dans ene l'état de soumission are to volonté et rassembler moi are banne dimoune ziste.' (12:102)

Huzur (atba) dire ki ene de bann plus grand accomplissement pendant l'époque de Hazrat Abu Bakr(ra) c'était compilation du Saint Coran. Sa li lié à bataille de Yamamah, kot finn ena 1200 musulmans ki ti tué et ladan ti ena ene grand partie de bann ki ti mémorise le Saint Coran. Et kan sa finn arrivé, sous inspiration Divine, Hazrat Umar (ra) finn gagne l'idée pou compile le Saint Coran dans ene seul place.

Kan finn rassembler bann parties du Saint Coran, finn appelle plusieurs personnes ki finn aprane lire Quran depi le Saint Prophète (saw) et finn appelle bann scribes de bannes versets coraniques aussi afin ki zot kapave attester ki pena erreur. Donc dans sa façon-là, finn kapav assurer ki le Saint Coran finn reste dans so forme originale, kuma ti révélé au Saint Prophète (saw).

Huzur (atba) dire ki Hazrat Mirza Bashiruddin Mahmood Ahmad (ra) finn dire ki le Quran en entier finn écrire à l'époque du Saint Prophète (saw) même. Et pendant l'époque de Hazrat Uthman (ra) finn établir ene dialecte unique pou récitation du Saint Coran. Li finn demande pou faire bann copies du Saint Coran depi Quran ki ti compiler à l'époque de Hazrat Abu Bakr (ra) et distribuer sa même a tous dimoune et li ti faire de sorte ki partout ena même prononciation de Quran.

Huzur (atba) dire ki sa premier copie du Saint Coran là ti resse en possession de Hazrat Abu Bakr (ra) ziska ki li finn décédé. Ensuite c'était Hazrat Umar (ra) ki finn garde sa copie là avec li et li fine donne sa à Hazrat Hafsa (ra) et li fine dire li pou pas done sa a kiken d'autre sauf si bisin faire ene copie. Donc sa ti reste avec Hazrat Hafsa (ra) et ensuite Hazrat Uthman (ra) finn emprunte Quran là afin ki li kapav faire bannes copies et finne retourne li à Hazrat Hafsa (ra). Après la mort de Hazrat Hafsa (ra), Marwan ki ti le chef de Madinah à l'époque finn prend sa Quran la et finne détruire li. Mais Hazrat Uthman (ra) ti fini faire plusieurs copies déjà.

**Hazrat Aisha (ra) rapporté ki pou bataille Uhud, quand ban l'ennemi ti quitte champs de bataille ti aller, le Saint Prophète (saw) ti ena le sentiment ki zot pou retourner et donc li finn demande so ban Compagnons kisanla pou suivre li. Ti ena 70 dimoune ki ti presente zot-même au Saint Prophète (saw) sa jour-là, et parmi ti ena Hazrat Abu Bakr (ra).**

**Huzoor (atba) dire ki kan ti pe finalise ban termes pou Traité de Hudaibiyah, ban Compagnons du Saint Prophete (saw) ti vinn extrêmement émotionnel et mécontent aussi mais zot ti pe essaye control zot l'émotion devant le Saint Prophète (saw).**

**Finalelement, Hazrat Umar (ra) finn dire ceki li penser et li finne demande le Saint Prophete (saw) ki si li ti le vrai Prophète d'Allah, kifer eski zot pe bizin faire face à banne tel humiliation. Li finn reponne ki en tant ki le Prophète d'Allah, li conne Allah So desir très bien et ki jamais li pas pu alle contre sa. Hazrat Umar (ra) finne demander eski le Saint Prophete (saw) pas ti dire ki li pou faire tawaaf du Ka'bah ? Rasullullah (saw) finn reponne ki effectivement li ti dire sa selment li pas finne dire ki c'est sa l'année la même ki sa pu arriver.**

**Hazrat Abu Bakr (ra) finn dire a Hazrat Umar (ra) ki li bizin faire preuve de patience et li bizin pas montrer manquement dans so dévotion au Saint Prophete (saw), car li certainement le vrai prophète d'Allah. C'est lerla ki Hazrat Umar (ra) finne réalise so erreur et li finn commence gagne regret pou so ban action et par la suite li finne faire beaucoup namaz et roza nawafil kuma expiation pou so ban actions.**

**Hazrat Abu Bakr (ra) ti ena ene relation d'amour profond avec le Saint Prophète (saw). Li finne dire au Saint Prophete (saw) : 'Ki mo ban parents, mo madame, mo ban zenfants et tou ceki mo ena être sacrifier pou ou'. En parlant de Hazrat Abu Bakr (ra), le St Prophète (saw) ine dire ki si li ti permissible pou prend ene lot Khalil (camarade) apart Allah, li ti pou choisir Abu Bakr (ra) mais sa li pas ene zafaire ki permissible.**

**Huzoor (atba) finn dire ki azordi, par la Grâce d'Allah, nous finn réuni ici pou l'inauguration du masjid dans Zion. Allah finne donne la Jama'at de l'Amerique capacité pou construire ene masjid ici, ki détenir ene grand l'importance pou la Jama'at.**

**Huzur (atba) finn reponne a ene journaliste a propos de l'importance de ca la ville la en disant ki ca c'est la ville d'ene grand opposant de la Jama'at. C'est vrai ki finn promet ki sa définitivement ena pu arriver, mais nous bizin aussi maziner ki sa pas pu arriver si pena duah. Effectivement, Allah ti finn fini informe le Messie Promis (as) à propos progrès de la Jama'at mais nous pou réussi témoigne sa zis si nous reconnaissant. 120 ans de cela, fine ena ca prophétie concernant ca imposteur et sa l'ennemi de l'Islam la.**

**Huzur (atba) finn aussi expliquer ki but de construire bannes masjid c'est afin ki bann dimounes kapav faire adoration cinq fois par jour, ki zot rappelle Allah et ki zot détacher avec le matérialisme. Huzur (atba) dire ki faudrait pas arriver ki a cause de nous ban actions, nous retarde accomplissement de bann promesses d'Allah ou alors ki nous pas réussi bénéficier de sa ditou même.**

**Huzur (atba) dire ki sa masjid la so nom c'est Fath-e-Azeem Mosque parski li ene manifestation de sa grand victoire ki ti finn accordé a Hazrat Massih Maoud (as). Huzur (atba) finn mentionne ene journal de sa l'époque la dans lekel ti finne ekrir le Messie Promis (as), ki finn faire prophétie de la fin de Alexander Dowie, vraitement li extraordinaire. Sa dimoune la, ki depi l'Inde, finn proclamer ki li le Messie Promis ki ti ena pou vini dans sa l'époque la. Plis devant dans journal la, ekrir ki si Dowie sauver depi sa défi la du Messie Promis (as) la, bé sa pou ene défaite pou li et tous so bann révéndication pou avéré être fausse. Dowie so la fin ti tellement déplorable ki so la ville ti tombe dans la dissension et li ti perdi tous so fortune. So la santé mental et physique ti finn aussi détériorer et so bann propre suivant ti commence faire éloges de l'Islam.**

**NOUS ENCOURAGE TOUS BAN LAJNA ET  
NASIRAT POU SUIVE KHUTBA JUMMAH  
EN DIRECT LOR BAN CHAINES DE LA  
MTA**

**CLICK LOR BAN LINK EN BAS POU ACCÉDER  
DIRECTEMENT**

**<http://www.mta.tv/live>**

ou

**<http://www.mta.tv/live-audio-only>**

ou pou Android app

**[https://play.google.com/store/apps/details?  
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-  
international/id942619881](https://apps.apple.com/us/app/mta-international/id942619881)**

